



Broj: 02-11-4-1435-1/25
Goražde, 07.07.2025.godine

Na osnovu člana 70. stav 1., 3. i 6. Zakona o javnim nabavkama ("Službeni glasnik BiH" br.39/14, 59/22, 50/24) u postupku javne nabavke – konkurentski zahtjev za dostavljanje ponuda za pružanje usluga stručnog nadzora nad izvođenjem radova na sanaciji klizišta, Gradonačelnik Grada Goražda donosi:

O D L U K U

o prihvatanju ponude ponuđača „FM Inženjering” d.o.o. Sarajevo za pružanje usluga stručnog nadzora nad izvođenjem radova na sanaciji klizišta u naselju Rešetnica (lot 1)

I

Ovom Odlukom se, nakon provedene tenderske procedure za pružanje usluga stručnog nadzora nad izvođenjem radova na sanaciji klizišta za Lot 1 – Pružanje usluga stručnog nadzora nad izvođenjem radova na sanaciji klizišta u naselju Rešetnica, prihvata ponuda ponuđača „FM Inženjering” d.o.o Sarajevo čija je cijena ponude 3.069,00 KM bez uračunatog PDV-a,

II

Ova Odluka će se objaviti na web stranici Gradske uprave Goražde www.gorazde.ba sa istovremenim upućivanjem ponuđaču koji je učestvovao u predmetnom postupku javne nabavke.

III

Nakon pravosnažnosti ove Odluke najkasnije u roku od 10 dana računajući od dana prijema odluke ugovornog organa o izboru najpovoljnijeg ponuđača, ugovorni organ će pozvati izabranog ponuđača radi zaključenja odgovarajućeg ugovora kojim će regulisati međusobna prava i obaveze vezane za predmetnu nabavku shodno uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

Izabrani ponuđač će prije potpisivanja ugovora, u roku od 7 dana od dana zaprimanja obavještenja o rezultatima postupka dostaviti ugovornom organu, original ili ovjerene fotokopije dokaza o ispunjavanju uslova u pogledu lične sposobnosti iz člana 45. Zakona o javnim nabavkama (tačka 3.1.4. TD). Pored navedenog odabrani ponuđač će do momenta potpisivanja ugovora obezbijediti original ili ovjerenu fotokopiju važećeg ovlaštenja za obavljanje poslova izrade geotehničkih projekata koje izdaje Federalno ministarstvo prostornog uređenja.

O b r a z l o ž e n j e

Gradonačelnik Grada Goražda je dana 23.04.2025. godine donio Odluku o pokretanju postupka javne nabavke usluga stručnog nadzora nad izvođenjem građevinskih radova na sanaciji klizišta broj 02-11-4-1435/25. Odlukom je određeno da će se predmetna nabavka koja je podjeljena na sljedeće lot-ove: Lot 1 - Pružanje usluge stručnog nadzora nad izvođenjem radova na sanaciji klizišta u naselju Rešetnica;

Lot 2 - Pružanje usluge stručnog nadzora nad izvođenjem radova na sanaciji klizišta u naselju Obarak, ul. Jaska Islamovića br.21, provesti putem konkurentskog zahtjeva.

Na osnovu navedene odluke objavljeno je Obavještenje o javnoj nabavci na portalu javnih nabavki dana 23.04.2025. godine, dok je Sažetak obavještenja objavljen u „Službenom glasniku BiH” broj 27/25. Tenderska dokumentacija za ovu nabavku je objavljena takođe na portalu javnih nabavki i istu je preuzelo 14 (četnaest) zainteresiranih ponuđača.

Na objavljenu tendersku dokumentaciju uložene su žalbe sljedećih ponuđača:

- dana 07.05.2025. godine žalbu je izjavio ponuđač „Kohisa” d.o.o. Sarajevo, koja žalba je Zaključkom ugovornog organa broj 02-11-4-1435/25 od 09.05.2025. godine, odbačena kao neblagovremena;

- dana 02.06.2025. godine putem preporučene pošiljke na protokol ugovornog organa je zaprimljena žalba ponuđača „IDA INŽENJERING” d.o.o. Bugojno izjavljena također na tendersku dokumentaciju u kojoj se žalioc poziva na broj Ispravke obavještenja o nabavci 413-7-2-16-8-43/25. Predmetna žalba je Zaključkom ugovornog organa od 04.06.2025. godine odbačena kao neuredna;

- u nastavku postupka po izvršenoj Izmjeni tenderske dokumentacije u pogledu roka za dostavu, otvaranje i preuzimanje tenderske dokumentacije i u tom pogledu izvršenoj Ispravci obavještenja o nabavci broj 413-7-2-16-8-50/25 (objavljeno na e-portalu 20.06.2025. godine) ponuđač „IDA INŽENJERING” d.o.o. Bugojno ponovo ulaže Žalbu koja je predata lično na protokol ugovornog organa 26.06.2025. godine koja je Zaključkom Gradonačelnika Grada Goražde od 26.06.2025. godine odbačena kao neblagovremena;

- na Zaključak o odbacivanju žalbe zbog neblagovremenosti od 26.06.2025. godine, ponuđač „IDA INŽENJERING” d.o.o. Bugojno ponovo ulaže žalbu, koja je Zaključkom Gradonačelnika Grada Goražde broj 02-11-4-1435/25 od 04.07.2025. godine odbačena kao neuredna;

Obzirom da je žalba ponuđača „IDA INŽENJERING” d.o.o. Bugojno odbačena kao neblagovremena, ugovorni organ je nastavio sa postupkom nabavke, tako da je dana 27.06.2025. godine u predmetnom postupku nabavke izvršeno otvaranje dostavljenih ponuda.

Komisija za provođenje procedure javne nabavke imenovana Rješenjem Gradonačelnika Grada Goražda broj 02-11-4-1435/25 dostavila je izvještaj o pregledu i ocjeni ponuda iz kojeg se vidi sljedeće:

- da je u ostavljenom roku za dostavljanje ponuda za pružanje usluga stručnog nadzora nad izvođenjem radova na sanaciji klizišta, za lot 1 - Pružanje usluge stručnog nadzora nad izvođenjem radova na sanaciji klizišta u naselju Rešetnica, ponudu dostavio ponuđač „FM Inženjering” d.o.o. Sarajevo;
- da cijena dostavljene ponude iznosi:

r.br.	Naziv ponuđača	Cijena ponude bez PDV-a	Popust	Cijena ponude bez PDV-a sa uračunatim popustom
1.	„FM Inženjering” d.o.o. Sarajevo	3.069,00 KM	0,00	3.069,00 KM

- da dostavljena ponuda ispunjava uslove postavljene tenderom u pogledu formalno pravne ispravnosti, uslove u pogledu lične situacije i sposobnosti za obavljanje profesionalne djelatnosti kao i tehničke i profesionalne sposobnosti ponuđača;
- tenderom nije predviđeno provođenje e-aukcije;
- da je nakon provedene procedure za lot 1 ponuda ponuđača „FM Inženjering” d.o.o. Sarajevo sa cijenom ponude u iznosu od 3.069,00 KM bez uračunatog PDV-a u ocjenjena kao najpovoljnija za ugovorni organ.

Komisija za provođenje postupka javne nabavke za pružanje usluga stručnog nadzora nad izvođenjem građevinskih radova na sanaciji klizišta, predložila je za lot 1 donošenje Odluke o prihvatanju ponude ponuđača „FM Inženjering” d.o.o. Sarajevo budući da je ponuda navedenog ponuđača na osnovu rezultata pregleda i ocjene ponuda, ocjenjena kao prihvatljiva i najpovoljnija za ugovorni organ.

Razmatrajući preporuku Komisije te cijeneći naprijed navedeno, preporuka Komisije je prihvaćena pa je odlučeno kao u dispozitivu ove Odluke.

POUKA O PRAVNOM LIJEKU: Protiv ove odluke može se izjaviti žalba u roku od 5 dana od dana prijema iste. Žalba se izjavljuje URŽ putem ugovornog organa u pisanoj formi direktno, elektronskim putem ili preporučenom poštanskom pošiljkom, u najmanje tri primjerka.

Uz žalbu je potrebno dostaviti dokaz o plaćenju naknadi za pokretanje žalbenog postupka.

DOSTAVITI:

1. Ponuđaču
2. web stranica ugovornog organa
3. u spis,
4. a/a

GRADONAČELNIK

ERNEST IMAMOVIĆ